



**D. D. Emanuelis Gonzalez Tellez, In Inclyta Salmanticensi
Academia Collegii Majoris Conchensis Alumni, &
antiquioris vespertinæ Sacrorum Canonum Cathedræ
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Quartum

González Téllez, Emanuel

Francofurti Ad Moenum, 1690

Caput II. Idem (a) Albianensi Episcopo.

[urn:nbn:de:hbz:466:1-74533](#)

C A P U T II.

Idem (a) Albianensi Episcopo.

Quod Sedem Apostolicam consulis super iis, quæ dubia tibi existunt, gratum gerimus, & acceptum, & tua exinde fraternitas non parum commendanda videtur. Ex tua siquidem parte nobis est intimatum, quod quædam mulier tui Episcopatus cum viro nupsit, ignorans, quod propter utriusque (b) inguinis rupturam genitalia ejus essent (c) absissa, nec ab eo cognita fuisse: qui utique modò factus leprosus, se pariter, & sua redditum domui infirmorum. Mulier verò ad domum paternam reversa, sicut juvenis, alii viro nubere desiderat, & conjugali affectu conjungi. Verum licet Ecclesia Romana non consueverit propter naturalem (d) frigiditatem, nec propter alia maleficia legitimè coniunctos dividere, si tamen (e) consuetudo generalis Gallicanæ Ecclesiæ habet, ut hujusmodi matrimonium dissolvatur, nos patienter tolerabimus, si secundum illam consuetudinem eidem mulieri, cui voluerit, nubendi in Domino concederis facultatem; sicut enim (f) puer, quia non potest reddere debitum, non est aptus coniugio; sic quoque qui impotentes sunt, minimè apti ad contrahenda matrimonia reputantur.

N O T A E.

1. (a) *A libianensi.*] Ita etiam legitur in prima collectione, sub hoc tit. cap. 2. sed legendum est *Ambianensi*, ut habetur in cap. ad huc 15. de decimo, cap. sane, de regul. cap. porro, de divorcio, ubi extant aliae partes hujus textus.
2. (b) *Inguinis.*] Inguina ab anatomis propriæ dicuntur partes illæ corporis concavæ, pubi utrimque vicina, vulgo inglese: plerumque tamen accipiuntur pro ipsis pudendis, tam fœminarum, quam virorum, ut ex Horatio & Virgilio probat Ambrosius Calep. verbo *Inguina*.
3. (c) *Absissa.*] Dum matrimonium contraxit, non postea.
- (d) *Frigiditatem, nec propter alia maleficia.*]

Quæ superveniunt post matrimonium celebratum, licet adhuc ratum; nam si præcederent impedimenta perpetua, matrimonium ab initio illud nullum esset, ut infrà dicemus.

(e) *Consuetudo.*] Eum verò Galliæ morem repetere possimus ex lib. 6. cap. Carol. cap. 19. ibi: Si vir & mulier junxerint se in matrimonio, & posset dixerit mulier de virg. non posse nubere cum eo, si poterit probare quod verum sit, accipiat alium, eo quod juxta Apostolum non potuit illi reddere debitum. Eandem Caroli constitutionem scripsit ad litteram Fulbertus Carnotensis eis. fol. 48. Quatenus consuetudo nova impedimenta matrimonii inducere possit, aut antiqua tollere, exposuit in cap. 1. de sponsal. & in cap. 5. de consanguinitate & affinitate.

(f) *Puer.*] Ut probavi in c. 1. de sponsal. impub.

C A P U T III.

(a) Idem.

Ex litteris tuis accépimus, quod quidam quindecim annorum, vel eo amplius, quædam tredecim annorum duxit in uxorem: verùm cùm debitum reddere deberet, & (b) non posset, mulier tam gravem contraxit infirmitatem, ut omnino viro sit facta inutilis, & instrumentum ejus ita sit impeditum, quod viro non valeat commisceri. Sed quia nobis dubium est, an pro culpa viri infirmitas pervenerit, super hoc plenum, vel certum dare responsum non valemus. Quod si tibi constiterit, quod illud vitium à natura contraxerit, nec ope Medicorum poterit juvari, viro aliam accipiendo liberam tribus facultatem: si verò ex culpa viri hoc provenit, licet non sit (c) tumultum indulgeri ei, ut aliam accipiat, tamen sub dissimulatione poteris sustinere, quia tuus est unam tanquam uxorem habere, quam cum multis peccare.

N O T A E.